



Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 29. Articuli in generali Congregatione proponendi, atque examinandi.

[urn:nbn:de:hbz:466:1-66641](https://nbn-resolving.de/urn:nbn:de:hbz:466:1-66641)

Sæc. XVI.**A.C. 1562.**

„ros quoque brevi eadem facturos spe-
„ro, „ Denique surgentibus Legatis
quivis sese ad sua recepit.

§. XXIX.

*Articuli in generali Congregatione
proponendi, atque exa-
minandi.*

Pallav. l. 17. Biduo post Sessionem, die sexta Junii
s. i. n. i. Patres in generali cœtu congregati
Raynald. sequentes proponebant articulos, qui
hoc ann. mox ab inferioris Ordinis Theologis
num. 49. examinandi jam antea in Concilio sub
Julio III. proponebantur, erantque nu-
mero quinque circa Sacramenti Eucha-
ristiæ usum, ac quidem quæsitum. I.

„An ex Divino præscripto quilibet Chri-
„stianus teneretur utramque speciem
„sumere in Eucharistiæ Sacramento.

II. „An rationes, quibus Ecclesia
„Catholica adducta est ad Eucha-
„ristiam præbendam laicis, & etiam Sa-
„cerdotibus non celebrantibus sub sola
„panis specie, adeo retinendæ essent,
„ut nullo pacto usus calicis ulli esset
„permittendus.

III. „Utrum tunc, si ex honestis
„causis, & charitati Christianæ con-
„sonantibus, æquum videretur conce-
„dere usum calicis alicui nationi, seu Re-
„gno, habendum id esset sub quibusdam
„conditionibus, & sub quibus id fieret.,,

IV. An



IV. „An accipiat aliquid minus is, Sæcul. XVI.
 „qui utitur hoc Sacramento sub una A.C. 1562.
 „tantum specie, quam ille, qui sub ut-
 „raque id recipit : „

V. „An necessarium sit ex lege Divina,
 „hoc altissimum Sacramentum porri-
 „gere pueris, antequam ad usum ra-
 „tionis perveniant.,, Itaque rogaban-
 tur Theologi, ut circa hosce articulos
 exponerent ea, de quibus sentirent,
 quod vel divina fide credi, vel tanquam
 hæreses, ac errores rejici oportet.

§. XXX.

Granatensis Archiepiscopus articulum de residentia adjici postulans.

His propositis interrogabantur Patres, *Pallav. c. I.*
l. 17. n. 2.
 an hosce articulos discuti, vel illis
 quicquam addi peterent? Ad hæc re-
 spondit Granatensis Archiepiscopus:
 „Primus articulus in Synodo Constan-
 „tiens jam suit definitus, adeoque nova
 „discussione non indiget, sed solum
 „nova confirmatione: reliqui autem
 „pariter adeo manifeste patent, ut plu-
 „quam unius diei labore opus non esset:
 „satius igitur mihi videtur, ut illis ad-
 „jicerentur in eadem Sessione articuli
 „de Sacramento Ordinis, ut simul de
 „residentia agi posset: mirum enim est,
 „quod illam ad legem Ecclesiasticam
 „quidam redigant, cum tamen eorum